

修訂日期: 2004/10/22 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 21, No. 1367

原始資料: 蕭鎮國大德提供, 北美某大德提供

No. 1367

佛說大普賢陀羅尼經

失譯人名今附梁錄

如是我聞。一時佛在舍衛國祇樹給孤獨園。時佛告阿難。吾今說大普賢呪。汝當受持。

多擲多 阿咤 那咤 茶彌茶 遮居梨 居梨茶也 居梨茶也拔坻 思提 思陀 婆夢坻

阿難此大普賢呪。遮滅一切兵刃。除一切怨仇。除一切夜叉羅刹復多等畏。除一切不得食下鬼名。

胡摩兜(一)烏奢睺睺胡摩兜(二)阿[少/兔]羯卑胡摩兜(三)破波羅胡摩兜(四)莎呵(五)。

呪水七遍與病人飲之。

腰脚痛鬼名

呼盧兜(一)波吒羅呼盧兜(二)毘魔羅呼盧兜(三)彌梨耆梨卑呼盧兜(四)莎呵(五)。

呪三色縷青黃綠。結作七結。繫脚腕次繫髀後繫腰。

頭痛鬼名

胡摩兜摩呵迦吒羅(一)毘摩迦吒羅(二)呼呼羅迦吒羅(三)伊呼迦吒羅(四)伊未迦知迦吒羅(五)莎呵(六)。

七遍呪楊枝打二七下。

闇鈍鬼名

呼吒吒(一)浮律置浮吒吒(二)阿支拏呼吒吒(三)浮律置支呼吒吒(四)伊呼破羅支呼吒吒(五)私蜜兜伊呼支破羅(六)莎呵(七)

。

三七遍呪七日日三遍。

耳痛鬼名

比膩波(一)阿制置毘膩波(二)呼膩置毘膩波(三)伊呼支膩置膩波(四)耆摩膩毘膩波(五)莎呵(六)

。

於月生一日。設使左耳痛南向坐。右耳痛北向坐。東向門病人門內坐呪師門外坐。水亦門外二七遍三嚩之。

淋鬼名

破波羅(一)浮梨浮梨置破波羅(二)車慕那破波羅(三)呼呼羅車波羅(四)。

熱病鬼神病。方道蟲毒呪術。毘多茶富多那等。善男子善女人所至之處。若行道中若水道中若急難處應念此呪。無有夜叉復多毘舍遮拘槃荼迦吒富多那羅剎毘多茶等畏。又無水火刀杖兵凶毒藥衰害呪術方道一切諸惡人非人等如是諸畏。阿難若有恐怖急難。應誦念此呪。無能作衰惱者。復次阿難若有受持讀誦此呪。如上天龍鬼神二十八部人非人等。不能越犯此呪。鐵輪金剛輪當為作苦患。令頭破作七分。四方四維上下若。有於此人起惡心者。悉皆繫其毒心令不發起。是善男子善女人。應善讀誦執持奉行。

佛說大普賢陀羅尼經